

Մ. ԳՈՐԿԻ

ՎԱԼԱԽԱԿԱՆ ԼԵԳԵՆԴ

- Դունայի ափին ապրում էր Փերին:
 Հաճախ գետի մեջ լողանում էր նա:
 Մի օր էլ անփույթ, անզգույշ Փերին
 Ընկավ ձկնորսի ուռկանը ահա:
- 5 Սաստիկ վախեցան ձկնորսները խեղճ...
 Նրանց հետ էր բայց Մարկո պատանին,
 Գեղեցիկ Փերուն սեղմեց գըրկի մեջ,
 Ու համբուրում էր, գըգվում սիրունին:
 Փերին, մի ճըկուն ոստիկի նըման,
- 10 Խայտում էր գըրկում, ոլորվում, խաղում,
 Մըտիկ էր տալի տըղի աչքերին
 Ու մըտքի միջին բարակ ծիծաղում...
 Փայփայեց Փերին տըղին ամբողջ օր,
 Բայց հենց գիշերը հասավ մըթագին,
- 15 Հանկարծ չըքացավ, կորավ նորից նոր,
 Ու սաստիկ տըխրեց Մարկոյի հոգին:
 Գիշեր ու ցերեկ գետի ափերին
 Շըրջում է Մարկոն, հոգոց է հանում,
 Փնտրում է, կանչում. «Ո՞ր է իմ Փերին...»
- 20 Կրկչում են ալիք — «Մենք չենք իմանում»: — Օ՛, սառն ալիքներ, դուք խաբում եք ինձ,
 Ինքներդ եք խաղում նրա հետ թաքուն.

Ճըշաց պատանին ու թըռավ ափից,
Թըռավ գետի մեջ գըտնի իր Փերուն...

25 Դունայի ափին ապրում է Փերին
Ու, ինչպես առաջ, այժմ էլ լողանում,
Իսկ Մարկոն չըկա... Բայց նըրա մասին...
Բայց նըրա մասին գեթ երգ է մընում:

* * * * *

30 Իսկ դուք ապրում եք աշխարհքի վրա
Ինչպես կույր, անսիրտ, չընչին սողուններ,
Ոչ ձեզնից հետո զըրույց կը մընա,
Եվ ոչ ձեր մասին երգ կասեն անմեռ: